

金鏡內臺方議

金鏡內臺方議卷之六

建安許宏集

古吳程永培校

大黃黃連瀉心湯

四十
八

治傷寒大下後復發汗心下痞按之濡其脉關
上浮緊者此方主之若有惡寒者爲表未解也
宜先解表然後攻痞

大黃

三兩黃連

一兩

右二味以麻沸湯二升漬之須臾去滓溫服

湯議

議曰病發于陰而反下之因而成痞又表未解而下之早重者成結胸輕者成痞凡痞者有陰陽之分焉若心下痞而復惡寒汗出者爲陰屬附子瀉心湯今此心下痞關上脉浮緊不惡寒反惡熱者爲陽大黃黃連瀉心湯以導泄其虛熱也經曰火熱受邪心病生焉苦能入心寒能除熱故以黃連

之苦寒爲君而通其心氣以大黃之苦寒爲臣使以共瀉其心之虛邪主熱痞結于中者也

疑問

問曰黃連瀉心湯用麻沸漬服者何也

答曰痞者乃虛邪所結按之濡者乃虛邪也關上脉浮緊者乃虛熱也用此方以麻沸湯漬服者取其氣味之薄而泄虛熱也

附子瀉心湯

四十
九

治心下痞而復惡寒汗出者此方主之

大黃黃連瀉心湯加附子

一枚
生用

右將瀉心湯如前用麻沸湯漬之仍去渣別將附子用水二升煎取汁加前湯內溫服

湯議

議曰心下痞者乃虛熱內伏也又如惡寒汗出者本爲表未解當用桂枝湯若脉微弱者加附子今此有痞症故用之大黃黃連瀉心湯中加附子用

之去痞以固陽也

疑問

問曰前二方古方中皆用黃芩今此不用何也

答曰痞乃虛邪所結只用黃連瀉心湯大黃引之下泄稍有惡寒汗出便加附子故去黃芩也古方正經內亦無黃芩餘方有者乃後人不詳其理誤添之也

半夏瀉心湯

十五

治傷寒五六日嘔而發熱者柴胡湯証具而以
他藥下之柴胡証仍在者復與柴胡湯此雖已
下之不爲逆必蒸蒸而振却發熱汗出而解若
心下滿而鞭痛者此爲痞柴胡不當與之宜此
方主之

半夏

黃芩

乾薑

人參

甘草

炙各
三兩

黃連

兩一大棗
十二枚

右七味以水一斗煮取五升去渣溫服

湯議

議曰病在半表半裡本屬柴胡湯反以他藥下之
虛其脾胃邪氣所歸故結于心下重者成結胸心
下滿而鞭痛也輕者爲痞滿而不痛也若此痞結
不散故以黃連爲君苦入心以泄之黃芩爲臣降
陽而升陰也半夏乾薑之辛溫爲使辛能散其結
也人參甘草大棗之甘以緩其中而益其脾胃之
不足使氣得平上下升降陰陽得和其邪之留結

者散而已矣經曰辛入肺而散氣苦入心而泄熱
甘以緩之三者是已

疑問

問曰瀉心湯有五曰大黃黃連瀉心湯附子瀉心
湯半夏瀉心湯生薑瀉心湯甘草瀉心湯此五者
各何主用耶

答曰大黃黃連瀉心湯者乃瀉其虛熱之邪心下
痞大便不通者用之

附子瀉心湯乃瀉其虛寒之邪惡寒汗出者用之
半夏瀉心湯乃瀉其半表半裡之邪誤下成痞大
便自通者用之

生薑瀉心湯乃瀉其汗後餘邪心下痞鞭乾噫食
臭脅下有水氣腹中雷鳴下利者用之

甘草瀉心湯乃瀉其誤下傷胃上逆虛邪心下痞
鞭下利穀不化腹中雷鳴乾嘔心煩不得安者用
之先聖以此五方皆曰瀉心而治痞者各有取用

不同也

生薑瀉心湯

五十

治傷寒汗出解之後胃中不和心下痞鞭乾噫
食臭脅下有水氣腹中雷鳴下利者此方主之
半夏瀉心湯中減乾薑二兩加生薑四兩

湯議

議曰胃爲津液之主陽氣之根大汗出後外亡津
液胃中空虛客氣上逆心下痞鞭此乃中焦之氣

未和不能消穀故令乾噫食臭者胃虛而不能化穀也土虛不能制水故脅下有水氣腹中雷鳴下利與瀉心湯以攻痞加生薑以益胃也

甘草瀉心湯

五十

治傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也此方

主之

半夏瀉心湯中加甘草一兩

湯議

議曰傷寒中風邪氣在表醫反下之虛其脾胃陽氣內陷也故下利日數十行穀不化腹中雷鳴胃中空虛則客氣上逆故心下痞鞭而滿乾嘔心煩不得安也故與瀉心湯攻痞加甘草以補中而益胃也

疑問

問曰瀉心湯中一加生薑一加甘草各立其名何
耶答曰發汗後胃虛外傷陽氣致成痞者故加生
薑以益陽大下後胃虛內損陰氣致成痞者故加
甘草以益其陰而緩其中也

茯苓桂枝白朮甘草湯

五十
三

治傷寒若吐若下後心下逆滿氣上冲胸起則
頭眩脉沉緊發汗則動經身爲振搖者此方主

之

茯苓

四兩

桂枝

三兩

白朮

甘草

炙各二兩

右四味以水六升煮取三升去渣溫服

湯議

議曰大吐則傷陽大下則傷陰今此吐下後陰陽之氣內虛則虛氣上逆心下逆滿氣上冲胸起則頭眩若脉浮緊者可發汗今此脉沉緊者不可發汗發汗則動經身爲振搖者此陽氣外內皆虛也

故用茯苓爲君白朮爲臣以益其不足之陽經曰
陽不足者補之以甘是也以桂枝爲佐以散裡之
逆氣以甘草爲使而行陽氣且緩中也

茯苓桂枝甘棗湯

五十
四

治發汗後其人臍下悸者欲作奔豚此方主之

茯苓

一斤

桂枝

四兩

甘草

五兩

大棗

十五
枚

右四味以甘瀾水一斗卽潦水也先煮茯苓

減二升內諸藥再取三升去渣溫服

湯議

議曰難經云腎之積名曰奔豚發于小腹上至心
下若豚狀或上或下無時久不已令人喘逆骨痠
少氣以夏丙丁日得之今此發汗後臍下悸欲作
奔豚者雖無丙丁日得之然乃汗者心之液汗多
則心虛腎氣因斯而動也丙丁亦卽心也故與茯
苓爲君以其能伐腎邪而利水道桂枝爲臣能泄
腎之邪氣甘草爲佐大棗爲使以補其中而益土

氣令其制水甘瀾水者取其不助腎邪也

黃芩湯五十

治太陽與少陽合病自下利者此方主之

黃芩三兩芍藥各三甘草兩大棗十二枚

右四味以水一斗煮取三升去渣溫服

湯議

議曰太陽與陽明合病自下利者爲在表當與葛根湯汗之陽明與少陽合病者爲在裡與承氣湯

下之太陽與少陽合病者自下利爲在半表半裡
與黃芩湯以和解之故與黃芩爲君以解少陽之
裡熱苦以堅之也芍藥爲臣以解太陽之表熱而
行營氣酸以收之也以甘草爲佐大棗爲使以補
腸胃之弱而緩中也

黃芩加半夏生薑湯

五十
六

治太陽與少陽合病自下利而嘔者

黃芩湯中加半夏生薑各三兩

湯議

議曰太陽與少陽合病自下利者屬黃芩湯已見
于前議矣若下利又更乾嘔者故加半夏之辛以
散逆氣加生薑之辛以和其中而止嘔也

金鏡內臺方議卷之六

金鏡內臺方議卷之七

建安許宏集

古吳程永培校

四逆湯

五十
七

治下利清穀三陰厥逆惡寒脉沉而微者此方
主之此乃溫經救陽之峻藥也

附子

生一
枚

乾薑

一兩
半

甘草

二兩

右三味以水四升煮取三升去渣溫服

湯議

議曰病在于表之陽者葛根湯麻黃湯可汗之病
在于表之陰者桂枝湯麻黃附子細辛湯可汗之
病在於裡之陽者大小承氣湯大柴胡湯皆可下
之病在于裡之陰者四逆湯白虎湯真武湯皆可
溫之今此四逆湯乃治病在于裡之陰者用也且
下利清穀脉沉無熱四肢厥逆脉微陽氣內虛惡
寒脉弱大吐大下元氣內脫若此諸症但是脉息

沉遲微瀯虛脫不飲水者皆屬于陰也必以附子爲君以溫經濟陽以乾薑爲臣輔甘草爲佐爲使以調和二藥而散其寒也內經曰寒淫于內治以甘熱又曰寒淫所勝平以辛熱乃附子之熱乾薑之辛甘草之甘是也

四逆湯証

少陰病脉沉者急溫之宜四逆湯

大汗若大下利而厥逆以四逆湯主之

白雲方論 卷之十 二
大汗出熱不止內拘急四肢疼反下利厥逆而惡
寒者四逆湯主之

下利腹脹滿身疼痛者先溫其裡乃攻其表溫裡
宜四逆湯攻表宜桂枝湯

吐利復汗出發熱惡寒四肢拘急手足厥冷者四
逆湯主之

吐利小便復利而大汗出下利清穀內寒外熱脉
微欲絕者四逆湯主之

脉浮而遲表熱裡寒下利清穀者四逆湯主之
少陰痛飲食入口則吐心中溫溫欲吐復不能吐
始得之手足寒脉弦遲者此胸中實不可下也當
吐之若膈上有寒飲乾嘔者不可吐也急溫之此
屬四逆湯自利不渴屬太陰以其藏寒故也宜四
逆湯傷寒醫下之續得下利清穀不止身疼痛急
當救裡後身疼痛清便自調者急當救表救裡宜
四逆湯救表宜桂枝湯

四逆加人參湯

五十
八

治霍亂惡寒脉微而復利利不止亡血也此方主之

四逆湯加人參一兩

右如法

湯議

議曰霍亂後尚惡寒而脉微又復利者陽虛陰勝也若利之則津液內竭故云亡血與四逆湯以溫

經復陽加人參以生津液也

當歸四逆加茱萸湯

五十丸

治手足厥寒脉細欲絕其人內有久寒者

當歸四逆湯中加吳茱萸

三兩生薑三兩

右如法

湯議

議曰手足厥寒者陽氣外虛不溫四末脉細欲絕者陰血內虛不榮于脉故與當歸四逆湯以養血

固陽若內有久寒之症者加茱萸以散氣生薑以
溫經行陽氣也

當歸四逆湯

治手足厥寒脉細欲絕者此方主之

當歸 桂枝 細辛 白芍藥 甘草

通草 各二兩 大棗 二十枚

右七味以水八升煮取三升去渣溫服

湯議

議曰陰血內虛則不能榮于脉陽氣外虛則不能
溫于四末故手足厥寒脉細欲絕也故用當歸爲
君以補血以芍藥爲臣輔之而養營氣以桂枝細
辛之苦以散寒溫氣爲佐以大棗甘草之甘爲使
而益其中補其不足以通草之淡而通行其脉道
與厥也

四逆加猪膽湯

六十

治吐已利止汗出而厥四肢拘急脉微欲絕者

四逆湯中加豬膽汁半合

右如法

湯議

議曰霍亂後吐已利止津液必內竭則不當汗出
今又汗出而厥四肢拘急不解脉微欲絕者乃陽
氣大虛也陰氣獨勝也若純與陽藥恐爲陰氣拒
格或嘔躁不能下咽故加豬膽汁之苦入通心氣
而和肝膽平陰陽無使格拒也內經曰微者逆之

甚者從之此之謂也

通脉四逆湯

六十

治少陰病下利清穀裡寒外熱手足厥逆脉微欲絕身反不惡寒其人面赤色或腹痛或乾嘔或咽痛或利止脉不出者此方主之

附子

生一枚

乾薑

三兩

甘草

炙二兩

此卽四逆湯加乾薑一兩

右三味以水三升煮取一升去渣服

加減法

面赤色者加葱九莖

味辛能通陽也

腹中痛者加白芍藥二兩

能安中補血行榮止痛

嘔者加生薑二兩

生薑之辛能止嘔散氣

咽痛者加桔梗一兩

能利咽下氣

利止脉不出者加人參二兩

利止脉不出者亡血也加人參益氣行血

湯議

議曰下利清穀手足厥逆脉微欲絕為裡寒也身熱不惡寒面赤為外熱此陰盛于內格陽于外

不能相通故用四逆湯中加乾薑以通內外之陽氣也

茯苓四逆湯

六十
三

治發汗若下之病仍不解煩躁者此方主之

附子

生一
枚

乾薑

一兩
半

甘草

二兩

人參

一兩

茯苓

六兩

此卽四逆湯中加人參茯苓也

右如法

湯議

議曰發汗之病當解若不解發汗外虛陽氣後若
下之內虛陰氣陰陽俱虛邪獨不解故生煩躁也
與四逆湯以復陽氣加人參茯苓以復陰氣也

疑問

問曰四逆湯加減者共七方皆用乾薑附子爲主
獨當歸四逆湯皆不用薑附何耶

答曰諸四逆湯中用薑附者皆治其陽虛陰盛之
証獨當歸四逆湯治陰血虛甚手足厥寒脉微欲

絕者故用當歸爲主不用薑附此乃自陽而傳陰厥逆者之用也

白通湯

六十
四

治少陰病下利者此方主之

附子

一枚
生

乾薑

兩
一

葱白

四
莖

右三味以水三升煮取一升去渣溫服

湯議

議曰少陰者腎水也若脉沉微下利無熱症者乃

少陰客寒不能制腎水故自利也以附子爲君溫經散寒加乾薑之辛熱溫中益陽加葱白之辛而通陽氣也以此三味之劑而治下利若非內寒陰勝者不可用也

白通加豬膽汁湯

六十

治少陰病下利脉微者與白通利不止厥逆無脉乾嘔而煩者此方主之服湯已脉暴出者死脉微續者生

白通湯中加猪膽汁

一童便合五

右如法湯成內猪膽汁童便和令相得溫服

湯議

議曰少陰病下利脉微者與白通湯服之利當止
若利不止厥逆無脉乾嘔煩者乃寒氣太甚內爲
格拒使陽氣逆亂也故加猪膽汁童便二物以和
其陰內經曰逆而從之則格拒解也

附子湯

六十

治少陰病一二日口中和其背惡寒者當灸之
宜此方主之

附子

二枚

芍藥

茯苓

各三兩

人參

二兩

白朮

四兩

右五味以水八升煮取三升去渣溫服

湯議

議曰少陰之氣上通于舌下若有病則口燥舌乾
而渴口中和者是無熱也背爲陽陽虛陰盛則背
惡寒也經曰無熱惡寒者發于陰也當灸之宜灸

背俞與附子湯服之以附子爲君溫經散寒茯苓
爲臣而泄水寒之氣以白朮芍藥爲佐而益燥其
中以人參爲使而補其陽以益其元氣而散其陰
邪也

乾薑附子湯

六十
七

治下之後復發汗晝日煩躁不得眠夜安靜不
渴不嘔無表証脉沉微身無大熱者此方主之

附子

生一
枚

乾薑

一
兩

右二味以水三升煮取一升去渣溫服

湯議

議曰大汗則表虛大下則裡虛既汗又下表裡皆虛陽主于晝則陽虛不能勝邪正邪交爭故晝日煩躁不得眠陰主于夜陽虛不能與之爭是夜則安靜不嘔不渴者裡無熱也身無大熱者表無熱又無表症而脉沉微知陽氣大虛陰寒氣勝故用附子爲君以溫經復陽乾薑爲臣佐以輔之也經

曰寒淫所勝平以辛熱此湯是也

術附湯

六十
八

治傷寒八九日風濕相搏身體煩疼不能自轉
側不嘔不渴脉浮虛而濇者桂枝附子湯主之
若其人大便鞭小便自利者此方主之

桂枝附子湯中除桂枝加白朮

四兩

右如前法

湯議

議曰此方卽桂枝附子湯中之法用也已議在前
十九條中詳矣若其人大便難小便自利者此爲
風濕之証故就本方中去桂枝加白朮主之以治
其虛也考之金匱方中止名朮附湯此以正之

真武湯

六十
九

治少陰病二三日不已至四五日腹痛小便不
利四肢沉重疼痛自下利者此爲有水氣其人
或咳或小便自利或嘔者此方主之

又太陽病發汗汗出不解其人仍發熱心下悸
頭眩身瞶動振振欲擗地者此方主之

附子

一枚炮

茯苓

芍藥

各三兩

白朮

二兩

生薑

三兩

右五味以水八升煮取五升去渣溫服加減

見後

湯議

議曰少陰者腎也真武者北方之正氣也腎氣內
虛不能止水故以此方主之其病腹痛者寒濕內

勝也四肢沉重疼痛者寒濕外甚也小便不利又
自下利者濕勝而水穀不利也或咳或嘔者水氣
在中也故用茯苓爲君白朮爲臣二者入脾走腎
逐水祛濕以芍藥爲佐而益脾氣以附子生薑之
辛爲使溫經而散寒也又發汗汗出不解其人仍
發熱邪氣未解也心下悸頭眩身瞤動振振欲擗
地者爲真氣內虛而亡其陽亦用此湯正氣溫經
而復其陽也

加減法

若咳者加五味子半升細辛乾薑各一兩

氣逆咳者五味子之酸以收逆氣水寒相搏則咳細辛乾薑之辛以散少陰之水寒也

若嘔者去附子加生薑足前成半斤

氣逆則嘔附子補氣故去之生薑散氣故加之嘔家聖藥是生薑也故此多用

若下利者去芍藥加乾薑二兩

芍藥酸能泄氣故去之乾薑辛能散氣故加之

若小便利者去茯苓

小便利者則無伏水
故去茯苓之滲也

金鏡內臺方議卷之七

金鏡內臺方議卷之八

建安許宏集

古吳程永培校

梔子豉湯 七十

治發汗吐下後虛煩不得眠反覆顛倒心中懊
懣者

肥梔子 十四枚 香豉 四合

右二味以水四升先煮梔子減二升內豉取

一升半去渣分二服溫進一服得吐止後服

湯戒

凡用梔子湯病人舊微溏者乃裡虛而寒在下也雖煩則非蘊熱不可與服之

湯議

議曰汗吐下之後邪熱不散結于胸中煩熱鬱悶不得眠謂之虛煩也心惡熱之甚則必神昏劇者反覆顛倒而不安心中懊懣而憤悶又非結胸痞

症之比而可下此乃必用吐之而散也經曰其高者因而越之是也故用梔子爲君其性苦寒以瀉宣其上膈之虛煩也淡豆豉性平能吐能汗者用之爲臣佐以吐胸中之邪也內經曰氣有高下病有遠近証有中外治有輕重是也瓜蒂散吐胸中實邪梔子豉湯吐胸中虛邪者也

梔子豉湯症

發汗吐下後虛煩不得眠若劇者必反覆顛倒心

中懊憹梔子豉湯主之

發汗若下之而反熱胸中窒者梔子豉湯主之

傷寒五六日大下之後身熱不去心中結痛者未
欲解也梔子豉湯主之

陽明病下之外有熱手足溫不結胸心中懊憹飢
不能食但頭汗出者梔子豉湯主之

下利後更煩按之心下濡者爲虛煩梔子豉湯主
之陽明病下之胃中空虛客氣動膈心中懊憹舌

上胎者梔子鼓湯主之

梔子厚朴湯

七十

治傷寒下後心煩腹滿卧起不安者此方主之

梔子

十四枚

厚朴

四兩

枳實

四兩

右三味以水三升煮取升半去渣分溫服得

吐止後服

湯議

議曰下後但腹滿而不心煩卽邪氣入裡若心煩

而不腹滿卽邪氣在胸中屬梔子豉湯今又煩而
且腹滿乃邪氣在胸腹之間也煩而不能卧滿而
不能坐故卧起皆不安故用梔子爲君以吐其煩
厚朴爲臣枳實爲佐二者之苦以泄腹滿也

梔子乾薑湯

七十
二

治傷寒醫以丸藥大下之身熱不去微煩者主
之

梔子

十四
枚

乾薑

二
兩

右二味以水三升煮取升半去渣溫服得吐者止後服

湯議

議曰九藥下之損正氣不能除熱邪氣反乘虛留于胸中而未深入故身熱不去而微煩故用梔子爲君以吐虛煩用乾薑爲臣佐以安中正氣也

梔子生薑豉湯

七十

治梔子豉湯症中若加嘔者此方主之

梔子豉湯中加生薑汁一兩

右如前法

湯議

議曰心煩懊憹等症與梔子豉湯吐之則已也若又嘔者爲熱氣搏逆不散加生薑之辛以散其氣以止其嘔也

梔子甘草湯

七十
四

治梔子豉湯証中若少氣者主之

梔子豉湯中加甘草半兩

右如法

湯議

議曰懊憹心中等症屬梔子湯已主之矣若其人少氣者爲元氣虛乏熱搏不能固也加甘草之甘以緩其中而補氣也

梔子柏皮湯七十

五

治傷寒身發黃發熱者

梔子

十五枚

甘草

一兩

黃柏

一兩

右三味以水四升煮取二升去渣溫服

湯議

議曰傷寒發黃者有數等已載前二十二條中詳矣今此身發黃熱者爲表裡有熱其熱未宣不可汗之故與梔子爲君能瀉相火去胃熱利小便黃柏爲臣能去鬱滯之熱甘草爲佐爲使能緩其中以瀉經中之熱也

厚朴薑夏草參湯

七十
六

治發汗後腹脹滿者此方主之

厚朴

生薑

各半
斤

半夏

二
兩

人參

一
兩

甘草

炙
二
兩

右五味以水一斗煮取三升去渣溫服

湯議

議曰吐後腹脹滿者為實屬調胃承氣湯下後腹
脹痛者為有燥屎屬大承氣湯今此汗後腹脹滿
者為津液不足氣滯不通壅而為滿為脾脹也故

用厚朴之苦以泄腹滿爲君生薑半夏之辛以散
滯氣爲臣人參之甘生津液補不足甘草之甘以
緩其中者也

旋覆代赭石湯

七十

治汗吐下解後心下痞鞭噫氣不除者此方主
之

旋覆花

三兩

生薑

五兩

甘草

三兩

人參

二兩

代赭石

五兩

大棗

十二枚 半夏二兩

右七味以水一斗煮取六升去渣再煎取三

升溫服

湯議

議曰汗吐下後大邪雖解胃氣已弱而未和虛氣上逆故心下痞鞭而噫氣不除者與旋覆花下氣除痞爲君以代赭石爲臣而鎮其虛氣以生薑半夏之辛而散逆氣除痞散鞭以爲佐人參大棗甘

草之甘而調緩其中以補胃氣而除噫也

赤石脂禹餘糧湯

七十

治傷寒服湯藥下利不止心下痞鞭服瀉心湯
已復以他藥下之利不止醫以理中與之利愈
甚理中者理中焦此利在下焦此方主之復利
不止者當利其小便

赤石脂 禹餘糧

各一兩

右二味以水六升煮取二升去渣溫服

湯議

議曰理中湯乃治中焦之泄也今此下利由氣下而中虛下焦滑也故用之不應必與赤石脂之瀝爲君以固其滑瀝可去脫也以禹餘糧之重鎮固下焦爲臣佐使重可去怯也以此二味配合爲方者乃取其固瀉以治滑泄也凡下利以固瀉之不止乃下焦清濁之氣不分固當利小便以分其氣也

吳茱萸湯

九

治厥陰病乾嘔吐涎沫頭痛者主之

又少陰病吐利手足逆冷煩躁欲死者主之

又食穀欲嘔者屬陽明也吳茱萸湯主之得湯

反劇者屬上焦也

吳茱萸

四兩

人參

三兩

生薑

六兩

大棗

十二枚

右四味以水七升煮取二升去渣溫服

湯議

議曰乾嘔吐涎沫頭痛厥陰之寒氣上攻也吐利手足逆冷者寒氣內甚也煩躁欲死者陽氣內爭也食穀欲嘔者胃寒不受食也此以三者之症其用此方者以吳茱萸能下三陰之逆氣爲君生薑能散氣爲臣人參大棗之甘緩能和調諸氣者也故用之爲佐使以安其中也

猪苓湯

十八

治渴欲飲水小便不利脈浮發熱者主之

猪苓

茯苓

澤瀉

阿膠

滑石

各一兩

右五味以水四升煮取二升去渣內阿膠烱

烱溫服

湯議

議曰猪苓湯與五苓散二方大同而異者也但五苓散中有桂朮兼治于表也猪苓湯中有滑石兼治於內也今此脉浮發熱本爲表又渴欲飲水小便不利乃下焦熱也少陰下利不渴者爲寒今此

下利渴又咳而嘔心煩不得眠知非虛寒乃實熱也故用猪苓爲君茯苓爲臣輕淡之味而理虛煩行水道澤瀉爲佐而泄伏水阿膠滑石爲使鎮下而利水道者也

湯戒

陽明病汗出多而渴者不可與猪苓湯以汗多胃中燥猪苓湯復利其小便也

金鏡內臺方議卷之八

金鏡內臺方議卷之九

建安許宏集

古吳程永培校

甘草附子湯

八十

治風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫者此方主之

附子

一枚炮

甘草

炙爲

白朮

一兩爲使

桂枝

一兩爲臣

右四味以水六升煮取三升去渣溫服一升
日三服初服得微汗則解能汗出者復煩服
五合忌一升多者宜服六七合爲妙

湯議

議曰風則衛傷濕流骨節風濕相搏兩邪亂經故
骨節疼煩掣痛不得屈伸近之則痛劇風勝則衛
氣不固汗出短氣惡風不欲去衣爲風在表也濕
勝則水氣不行小便不利或身微癰爲濕氣內搏

也故用附子爲君除濕祛風溫經散寒桂枝爲臣祛風固衛白朮去濕爲使甘草爲佐而輔諸藥疎風去寒濕之方也

甘草乾薑湯

八十

治誤汗煩躁吐逆而厥者主之

甘草

四兩炙爲君

乾薑

二兩炮爲臣

右二味以水三升煮取升半去渣溫服

湯議

議曰脉浮曰汗出惡寒者爲中風今此又兼小便數者心煩脚攣急爲陰陽之氣虛不可發汗反與桂枝湯悞汗之得之便厥咽中乾煩躁上逆也此乃不可汗而悞攻其表營衛之氣虛傷所致也故與甘草爲君乾薑爲臣二者之辛甘合之以復陽氣也

芍藥甘草湯

八十
三

治悞汗傷血則厥逆脚攣急主之

白芍

四兩
爲君

甘草

四兩炙
爲臣佐

右二味以水四升煮取二升分溫服

湯議

議曰大汗則傷血若陰虛之人汗之則悞也必煩
嘔吐逆四肢攣急此乃不當汗者汗之則陰虛血
少所致也故與白芍爲君而補營血炙甘草爲臣
合而用之以補陰氣也

甘草湯

八千

治少陰病二三日咽痛者主之

甘草二兩

右一味以水三升煮取升半去渣溫服

湯議

議曰少陰之脉循咽而止寒熱相搏不散而成咽痛故與甘草一味以泄咽膈之氣也

炙甘草湯

八十

治傷寒脉結代心動悸者主之

甘草多四兩

生薑

桂枝

麻子仁

麥冬

各三

兩人參

阿膠

各二兩

生地汁

合六

大棗

十二枚

右九味以水八升酒七升同煎取五升去滓

內膠烱溫服

湯議

議曰脉按之來緩而時一止復來者名曰結又脉來動而中止更來小數中有還者反動名曰結陰也又來藹藹如車蓋者名曰陽結也又脉累累如

循長竿者名曰陰結也此皆仲景所言結脉爲邪
氣留結其氣虛散陰陽鬱結不能相榮也脉來動
而中止不能自還因而復動名曰代結也此真氣
衰極脉不能自還因而陽呼吸相引復動心中悸
動因脉結代故知爲真陰氣虛少陽氣虛敗故與
炙甘草爲君人參大棗爲臣以補元氣之不足者
以桂枝生薑之辛而益正氣爲佐以麥門冬阿膠
麻子仁地黃之甘潤經益血而補其陰爲使以清

酒爲引而能通以復脉者也

芍藥甘草附子湯

八十

治發汗病不解反惡寒者虛故也此方主之

白芍

君

甘草

臣炙各三兩

附子

佐使一枚炮

右三味以水五升煮取二升去渣分溫服

湯議

議曰發汗後病解則不惡寒病不解表實亦不惡寒今此大汗出又反惡寒其脉微弱者爲榮衛虛

者也若非大汗出而又惡寒其脉沉微無熱症者不可服也

茯苓甘草湯

八十

治傷寒汗出而渴者五苓散主之不渴者此方主之

茯苓

君

桂枝

各二兩

甘草

一兩

生薑

三兩

右四味以水四升煮取二升去渣分溫服

湯議

議曰傷寒汗出不惡風渴而飲水者屬人參白虎湯若汗出而渴脉浮小便不利者屬五苓散今此汗出而渴者爲邪不傳裡但在表而表虛也故與茯苓爲君而益津和中甘草爲臣輔之以桂枝爲佐生薑爲使二者之辛而固衛氣者也

黃連湯

八十人

治傷寒胸中有熱胃中有邪氣腹中痛欲嘔吐者此方主之

黃連

甘草

乾薑

桂枝

各三兩

人參

半夏

各三兩

大棗

十二枚擘

右七味以水一斗煮取六升去渣溫服

此卽半夏瀉心湯加桂枝也

湯議

議曰濕家下後舌上加胎者以丹田有熱胸中有寒是邪氣入裡而爲上熱下寒也此傷寒邪氣傳裡而爲下寒上熱也胃中有邪氣使陰陽不交陰

不得升爲下寒故腹中痛陽不得降爲上熱故欲嘔吐也故與半夏瀉心湯中加桂枝升降陰陽之氣也爲下痛故去黃芩經曰上熱者泄之以苦下寒者散之以辛故用黃連爲君以治上熱乾薑桂枝半夏以散下寒爲臣人參大棗甘草之甘以益胃而緩其中也

黃連阿膠湯

入十九

治少陰病得之二三日以上心中煩不得卧者

主之

黃連

四兩

阿膠

三兩

芍藥

二兩

黃芩

一兩

鷄子黃

二兩

右以水先煮三物減半去渣內膠烱盡小冷
內鷄子黃攪令相得溫服

湯議

議曰少陰三日以上心中煩不得卧者乃寒極熱
變也熱煩于內而然故用黃連爲君黃芩爲臣以
除內熱而陽有餘以阿膠鷄子黃之甘以補陰不

足爲佐芍藥之酸以斂陰氣而泄邪熱爲使也

乾薑黃連人參湯

九

治傷寒本自寒下醫復吐下之寒格更逆吐下
若食入口卽吐者主之

乾薑

黃芩

黃連

人參

各三兩

右四味以水六升煮取三升去渣溫服

湯議

議曰傷寒本自寒下其人下虛也醫復吐下之寒

格更逆損傷正氣內爲格拒則陰陽不通食入口
卽吐也寒格更逆吐下者是醫不知又復吐下則
重虛而死也故用乾薑爲君以散逆氣而調其陽
辛以散之也以黃連爲臣而和其陰黃芩爲佐以
通寒格苦以泄之也以人參爲使而和其中補益
真氣甘以緩之也

金鏡內臺方議卷之九

金鏡內臺方議卷之十

建安許宏集

古吳程永培校

桃花湯

九十

治少陰病下利便膿血者此方主之

又少陰病二三日腹痛小便不利下利不止便膿血者主之

赤石脂

一斤半

乾薑

一兩

粳米

右三味以水七升煮令米熟去渣內石脂末
分溫服

湯議

議曰陽明病下利膿血者爲協熱也屬白頭翁湯
少陰病下利便膿血者爲下焦不約而裡寒也故
用赤石脂爲君而固腸胃瀼可去脫也乾薑爲臣
散寒溫氣辛以散之也粳米爲佐使以補正氣而
安其中甘以緩之也

豬膚湯

九十

治少陰病下利咽痛胸滿心煩者主之

豬膚

一斤

白蜜

一斤

白粉

五分

右以水一斗煮去五升去渣內蜜粉熬香和得所分溫服

湯議

議曰少陰之脉循咽若陽經之邪傳于少陰者則必咽痛乃陰虛客熱所結也故胸滿心煩而自下

利故與豬膚爲君入少陰之經而解客熱也以白粉爲佐白蜜爲使潤燥除煩而止利也

桔梗湯

九十
三

治少陰病咽痛者與甘草湯不差者與桔梗湯

桔梗一
甘草二

兩
兩

右二味以水三升煮取一升去渣服

湯議

議曰少陰咽痛者與甘草湯若不差者是邪氣結

甚甘草不能下也故用桔梗爲君桔梗能浮而治上焦利肺痿爲衆藥之舟楫也以甘草爲臣佐合而治之其氣自下也

議咽痛可刺

議曰少陰之脉與陰蹻合而行之少陰之氣上結于咽則陰蹻之脉亦下結于踝也下結不通縱服藥而無效亦必須于陰蹻照海針之則已也

苦酒湯

九十四

治少陰咽中傷生瘡不能言語聲不出者主之

苦酒

半夏

十四枚

鷄子白

一枚

右三味內鷄子殼中安火上令三沸去渣服不差者作三服

湯議

議曰少陰客熱所暴則傷于經絡乾瀉使咽中生瘡不能言齬不出故用苦酒爲君酸以斂瘡半夏爲臣辛以散結鷄子爲使以緩咽痛而潤其燥也

白頭翁湯

九十

治熱利下重及下利欲飲水者主之

白頭翁

二兩黃連

臣黃柏

佐

秦皮

使

右四味煎服

湯議

議曰大利後津液少熱氣不散則廣腸燥瀉而下重也下重者欲下不出之意今此厥陰條中所載熱利下重渴而欲飲水者乃陰虛生熱之盛也亦

必用苦寒之劑治之方已非可作陰虛而用溫劑也故用白頭翁爲君黃連爲臣黃柏爲佐秦皮爲使以此四味寒苦之劑而治下利之症者知其熱盛于內苦以泄之也

半夏散及湯

九十

治少陰咽中痛者主之

半夏 桂枝 甘草

等分

右三味以水三升先煮半夏減升半內二味

煎取一升小冷少咽之

湯議

議曰甘草湯治少陰客熱也桔梗湯治少陰寒熱相搏也半夏散及湯治少陰客寒也三者皆主咽痛各分所用也此以半夏爲君桂枝爲臣辛以散之也甘草爲佐使甘以緩之也

枳實梔子湯

九十

治大病瘥後勞復者主之若有宿食者加大黃

枳實

三枚子十四枚一升

右三味以清漿七升空煮取四升內枳實梔子取二升下豉更煮五六沸去渣分溫服覆取微汗若有宿食者加大黃

湯議

議曰大病新瘥未滿百日氣血未平若妄勞力而又發熱者爲勞復食肉太早過傷穀氣發熱者爲食復今此方通主之者以枳實爲君而下氣以梔

子爲臣而散勞熱以鼓爲佐而泄熱若有宿食者
加大黃以利之也此本梔子鼓湯加枳實則應吐
今反取汁者乃熱聚于表苦以發之也

竹葉石膏湯

九十八

治傷寒解後虛羸少氣氣逆欲吐及虛煩客熱
不退者主之

竹葉

二

石膏

一斤

半夏

半升

人參

三兩

麥門冬

一升

去心

甘草

二兩

粳米

半升

右七味以水一斗煮取六升去查內米取米
熟去米濕服

湯議

議曰傷寒解後虛熱不盡則多逆氣與吐也故用
竹葉爲君石膏爲臣以解虛邪內客也以半夏爲
佐以治逆氣欲吐者以人參粳米甘草門冬四者
之甘以補不足而緩其中也

茵陳蒿湯

九十

治陽明病發熱汗出此爲熱越不能發黃也但
頭汗出身無汗齊頸而還小便不利渴欲飲水
漿者此爲瘀熱在裡身必發黃此方主之

又傷寒七八日身黃如橘子色小便不利復微
滿者此方主之

茵陳蒿六兩梔子十四枚大黃二兩

右三味以水一斗先煮茵陳減二升內二味
煮取三升去渣分溫服小便當利如皂角汁

狀一宿腹減黃從小便出也

湯議

議曰陽明者爲胃之土其色黃若發熱汗出者爲熱氣得越不能發黃也但頭上汗出齊頸而還者乃熱氣不得越也小便不利渴飲水漿者乃熱甚于胃津液內瘀結爲黃也故用茵陳爲君能治黃梔子爲臣梔能治黃寒以治熱也以大黃爲佐使以下泄瘀熱而除其黃也

蜜煎導方一

治陽明病自汗多出若發汗小便自利者此爲
津液內竭也大便秘輒不可攻之當須自欲大
便宜蜜煎導而通之若土瓜根及與大豬膽汁
皆可爲導也

蜜

五合

右將蜜于銅器內微火煎之稍凝似飴狀攪
之勿令焦滴水中堅凝可用蘸皂角末捻作

挺以猪膽汁或油潤谷道內之少頃欲大便
乃去之又猪膽汁方以猪膽一二枚以小竹
管插入膽口留一截用油潤內入谷道中以
手將膽捻之其汁自內出一食頃當大便下
又用土瓜根削如指狀蘸猪膽汁入內谷道
中方可用

湯議

議曰大便不通者必用下之有下之而不得通者

有津液內竭腸胃乾燥大傾因鞭不可通者此非
結熱也故立是法而用之

猪膽汁方一百

見上同

金鏡內方議卷之十

金鏡內臺方議卷之十一

建安許宏集

古吳程永培校

五苓散一百

治發汗後煩渴欲飲水者主之

茯苓

豬苓

白朮

各一兩

澤瀉

二兩

桂枝

半兩
去皮

石五味爲末以白湯調服多飲煖水出汗愈

湯

議曰發汗後煩渴飲水脉洪大者屬白虎湯發汗後煩渴飲水內熱實脉沉實者屬承氣湯今此發汗後煩渴欲飲水脉浮或有表小便不利者屬五苓散主之五苓散乃汗後一解表藥也此以方中云覆取微汗是也故用茯苓爲君猪苓爲臣二者之甘淡以滲泄水飲內畜而解煩渴也以澤瀉爲使鹹味泄腎氣不令生消渴也桂枝爲使外能散不盡之表內能解有餘之結溫腎而利小便也白

木爲佐以共能燥脾土而逐水濕也故此五味之劑皆能逐水而祛濕是以五苓散以其苓者令也通行津液尅伐腎邪號令之主也

五苓散戒

陽明自汗引飲則五苓散不可輕進且陽明自汗者則津液燥爲急下之症若更利其小便則誤也

五苓散症

太陽病發汗大汗出胃中乾煩躁不得眠欲得飲

內經卷之十一
二
水者少與之飲令胃氣和則愈若脉浮小便不利
微熱消渴者五苓散主之

發汗已脈浮數煩渴者五苓散主之

中風發熱六七日不解而煩有表裡症渴欲飲水
水入則吐者名曰水逆五苓散主之

霍亂病而疼發熱身痛熱多欲飲水者五苓散主
之

疑問

問曰：五苓散方中皆治裡症，又曰覆取汗，何也？
答曰：五苓散乃汗後一解表藥也。且傷寒發汗後，
當解今此不解者，爲有內熱煩渴，飲水又加餘表，
不能盡解也。若與桂枝湯，又干內熱，若與白虎湯，
又兼有表，故與五苓散中用桂枝取微汗，以兩解
也。且白虎湯亦曰汗後一解表者，乃表實自汗出，
不惡風而煩渴引飲者所設也。

問曰：五苓散中有用桂者，亦用桂枝者，何耶？

若日此而用也若兼表者用桂枝若專利水飲者却用桂也

四逆散一百

陰四逆其人或咳或悸或小便不利病或腹中或泄利下重者主之

甘草 枳實 柴胡 芍藥等分

右四味為細末白飲和服

湯議

議曰「逆者乃手足不溫也四厥者乃寒冷之甚也四厥爲陰寒之邪四逆爲傳經之邪自陽熱已退邪氣一散將若傳陰而未入也此只屬陽故與涼劑以治之用甘草爲君以和其中而行其四末以枳實爲臣而行結滯以芍藥爲佐而行榮氣以柴胡爲使而通散表裡之邪也

加減法

若咳者加五味子乾薑各一兩并主下痛

氣逆則咳加五味子之酸以收逆
加乾薑之辛以治寒兼痢同用也

若悸者加桂枝五分

氣虛不能通行心氣則心下築
築而動悸也桂枝入心故用之

若小便不利加茯苓五分

茯苓能滲泄
利小便也

若腹中痛者加白芍藥三分

古金鎖方中用白芍藥以
其能止痛後人改作附子

若泄重者先以水五升煮薤白三升去渣

內散五分再取煮一升分溫服

加薤白以升下
焦之滯氣也

瓜蒂散一百

治痼如桂枝症頭不痛項不强寸脉微浮胸中
痞滿上冲咽喉不得息者此爲胸中有寒也當
吐之

瓜蒂二錢赤小豆三錢

各搗爲末合治取一錢七以香豉一

取湯和散溫服之不吐少加得快吐乃

止

帝散戒

諸亡血家血虛者皆不可吐也昏憤者亦不可吐

湯議

議曰發熱汗出惡風病如桂枝湯症也今此頭却
不痛項不强寸脉微浮胸中痞氣上冲咽不
得息者此非桂枝症乃寒邪客于胸中而不在表

也故用瓜爲君味苦寒小豈爲臣味酸溫淡
豉爲臣佐三者之酸苦合而用之以吐其上之
實者也經曰酸苦湧泄爲陰此其用焉

文蛤散

一百五

治病在陽應以汗解之反以冷水嚥之者若灌
之熱波湧不得出彌更益煩肉上粟起意欲飲
水反不渴者服文蛤散若不瘥者與五苓散寒
實結胸無熱症者與三物小陷胸湯白散亦可

服

文蛤五兩

右一味為末以沸湯調一錢服

白散一百

桔梗 貝母各五錢 巴豆一錢去皮心熬黑

研如脂上和二味

右三味相和以白飲和服量虛實用之病在膈上必吐在膈下必利不利進熱粥一杯利過不止進冷粥一杯

湯詳

議曰病在陽者爲邪在表法當汗出而解反

水暈之或灌洗其熱被寒水所却外不得出則反
攻其裡也彌更益煩肉上粟起者乃寒水之氣客
于皮膚也意欲飲水者裡有熱也反不渴者寒在
表也故與文始一味以散表中水寒之氣若不差
者是小熱相傳欲傳于裡也故與五苓散發汗以
和之若心下鞭滿者乃水寒之氣結而成寒實結

內經人言卷之十一
胸也故與心陷胸湯破之如不應與白散利泄也若
咽膈阻塞者與枳實理中丸亦可取功也

燒裨散

一百七

治陰陽易

右取男女中裨近陰處剪燒灰以水和服方
寸七日三服小便即利陰頭微腫則愈

湯嘔

議曰大病初瘥氣血未復餘熱未盡強合陰陽故

曰易也易者如換易也故與袞中隱處燒灰服之以復其氣也男病用女者女病用男者此以陰陽復易之義也

牡蠣澤瀉散

一百八

汗大病差後亡腰下有水氣者主之

牡蠣 澤瀉 括蕒根 蜀漆 商陸根

葶藶

海藻等分

右七味爲末白飲和服小便利止後服

內臺方議卷之十一
湯議

議曰大病差後脾胃氣虛不能制約腎水水溢下
焦腰以下爲腫也故當利其小便以牡蠣爲君澤
瀉海藻爲佐三味之醎能入腎而泄水氣以葶藶
商陸爲佐以苦堅之以括蕁根之苦寒蜀漆之酸
寒爲使酸苦以泄其下而降濕腫也

金鏡內臺方議卷之十一

金鏡內臺方議卷之十二

建安許宏集

古吳程永培校

理中丸

一百九

治霍亂病嘔吐泄利寒多不飲水者

人參

白朮

甘草

乾薑

各三兩

右四味爲末以蜜丸彈子大沸湯調服若只

吹引用水煎服

加減法

芒臍上築者腎氣動也去朮加桂枝四兩

脾虛則腎氣發動故臍上築也朮能壅氣故去之桂泄奔豚氣加之

若吐多去朮加生薑三兩

生薑止嘔辛以散之也
泄家不喜朮故去之也

若下多者加白茯苓三兩

茯苓之甘淡能利水止泄也

渴欲得水者加參朮各一兩半

內虛則渴加人參以補之
不止者加黃芩芍藥則止

寒者加乾薑一兩半

寒濕所勝
干以辛熱

腹滿者去朮寒甚者加附子一枚炮服湯後如
食頃啜熱粥一升許微自汗勿發揭衣被

腎虛則腹滿氣壅甘令中滿故去朮加附子以
補陽若脈微手足厥逆惡寒內甚者加附子

方議

議曰霍亂者乃一時之間揮霍悶亂上吐下泄者

是也若頭痛發熱身疼痛熱多欲飲水者邪生于陽也屬五苓散與外臺和中湯以散之若脉微小寒多不用水者邪發于陰也屬理中丸湯甚者加附子主之經曰脾欲緩急食甘以緩之故用人參爲君補中正氣以甘草爲臣輔之也以白朮爲佐正氣固中以乾薑爲使溫脾散寒經曰寒淫所勝平以辛熱是也。

烏梅丸

十一百

治傷寒脉微而厥至七八日膚冷其人躁無暫
安時者此爲臟厥非虵厥也虵厥者其人當吐
虵今者靜而復時煩此爲臟寒虵上入膈故煩
須臾復止得食而嘔又煩者虵聞食臭出其人
當自吐虵虵厥者此方主之

烏梅

五十個

細辛

附子

桂枝

黃柏

人參

各一兩

當歸

川芎

各七錢

黃連

二兩

乾薑

一兩

右十味各搗篩合治之以苦酒漬烏梅一宿

去核蒸之搗爛和藥令相得內柑中加蜜杵
千餘下丸如桐子大空心飲湯服三十九加
至五十丸禁生冷物惡臭

方議

議曰虬厥者乃多死也其人陽氣虛微正元衰敗
則飲食之物不化精氣反化而爲虬虫也虬爲陰
虫故知陽微而陰勝陰勝則四肢多厥也若病者
時煩時靜得食而嘔或口常吐清水時又吐虬者

乃虵病也又腹痛脉反浮大者亦虵症也有此當
急治不治殺人故用烏梅爲君其味酸能勝虵以
川椒細辛爲臣辛以殺虫以乾薑桂枝附子爲佐
以勝寒氣而溫其中以黃連黃柏之苦以安虵以
人參當歸之甘而補緩其中各爲使以其虵虫爲
患爲難比寸白虫等劇用下殺之劑故用勝制之
方也

大陷胸丸

百十一

治結胸症項亦強如柔瘕狀下之則和此方主之

大黃

兩

芒硝

葶蘆

杏仁

各四兩
去皮

右四味搗篩外以杏仁芒硝和如泥別搗甘遂末一錢和勻以少熟蜜共丸如彈子大以沸湯調服一宿乃下不下更服取下爲效禁如藥法

方議

議曰結胸之症亦載大陷胸湯中詳矣今此大陷胸丸者與方議同但加杏仁葶藶二味以蜜爲丸者取其緩也若症急者用湯緩者用丸也

抵當丸

二百十二

治傷寒有熱小腹滿應小便不利今反利者爲有血也當下之

抵當湯中減水蛭十條

右四味另搗水蛭蟲虫外將杏仁浸去皮搗

爛和三味加少熟水和勻丸如彈子大每一
丸以水一升煮之取七合服當取下血不下
更服

方議

議曰抵當湯治症之急者用之抵當丸乃治症之
緩者用之今此雖是血症爲無身黃屎黑喜忘發
狂未至于甚故只用抵當丸減水蛭爲末作丸子
之取其性之緩也

麻仁丸

三百十

治跌陽脉浮而濇浮則胃氣强濇則小便數浮濇相搏大便則難其脾爲約此方主之

麻子仁

四兩

杏仁

六兩

芍藥

枳實

各二兩

厚朴

三兩

大黃

八兩

右六味以杏仁浸去皮搗爛加蜜杵千餘下丸如桐子大熱水下五十丸

方議

議曰跌陽脈者乃脾胃之脈也脈不當浮今反浮者若非胃氣虛則胃氣強也浮而濇者爲胃氣燥便則難其脾爲約約者束也此必汗出多走亡胃氣燥濇大便不得通也跌陽脈浮者雖大便秘尤不可以用大承氣等湯下泄之者仲景故配以麻仁丸方以潤導之也故用麻仁爲君杏仁爲臣二者能潤燥也以枳實厚朴能調中散氣爲佐以芍藥之酸能斂津液大黃之苦能泄能下二

者爲使以通導而引潤下也

內臺用藥性品製

性大熱溫經回陽衛氣者

附子

回陽者炮用去皮腐解急者生不去皮

乾薑

治寒者炮解急者生

桂枝

削去粗皮解肌表

桂

厚者削去皮溫經通氣利小便用

吳茱萸

湯炮七次去黃水再日乾用

性熱溫中破氣散濕逐痰飲者

生薑

常用薄片同藥煎急用搗取自然汁

白朮

生洗淨用

厚朴

去皮咬咀每一斤用生薑一斤汁浸炒

半夏

湯煮再用水去涎咬咀日乾用

蜀椒 微炒汗出去目及合口者

旋覆花 洗淨生用必須棉布濾過

細辛 洗淨去六月

性溫補中益氣而緩者

人參 洗淨用

甘草 治陰病者炙治陽病者生

膠飴 即節糖

大棗 去核用

黃芪 炙蜜

阿膠 治熱病者生用治補者炒成珠

鷄子 或用黃或用白

猪膚 雄猪皮膚

白蜜 白糖炒

蜂蜜 慢火熬

米粉

即粳米粉

性輕而溫能發汗者

麻黃

去根節湯煮一頃再洗用

葱白

去青用白

通草

性輕而涼發汗利水道者

葛根

猪苓

生用

竹葉

蕤花

生用

性涼能入營氣者

芍藥

赤者涼熱病用
白者補虛用

性溫能補營氣者

當歸

頭止血身養
血尾破血

性溫味辛能利氣潤燥者

杏仁

水浸去
皮尖

桃仁

去皮
尖

薤白

去
青

麻仁

取
淨

性溫能破結利氣者

茯苓

去皮白
補赤瀉

性平能安中利水道者

柴胡

黃芩

知母

升麻

萎蕤

俱洗淨
生用

性寒能治諸熱在裏者

黃連

黃柏

白頭翁

秦皮

茵陳

俱洗淨
生用

生地黃

洗淨生
搗汁用

梔子

去殼

猪膽

取汁

括蕒根

生用

石膏

研碎生用

麥門冬

去心

性寒能治諸熱在上者

葶藶

研爛

桔梗

生用

括蕒實

搗碎生用

天門冬

去心

性寒能治諸熱在下者

連軹

洗生用

蜀漆

卽常山

梓白皮

去皮生用

商陸

生用

赤小豆

生用

性寒能泄水氣者

海藻

洗生用

澤瀉

生用

文蛤

生用

性寒能下泄熱氣者

大黃

有炮有生

芒硝

去泥土

性烈能下泄水氣者

芫花

洗淨水
煮乾用

大戟

水煮再
去心木

甘遂

麴裏
煨

巴豆

去殼皮
心研

性烈能破血者

水蛭

洗
炙

蝨虫

洗

性嗇能止固津液者

牡蠣

煅成
粉

龍骨

石脂

生
用

性重能下鎮墜者

代赭石 煨

鉛丹 煨

禹餘糧 煨

性寒、味苦能宣吐者

瓜蒂

淡荳豉 江西出者佳

性酸能收斂者

烏梅 去核

五味子 生用

苦酒

性平能下肺氣者

貝母去心

附用藥加減法

有汗不得服麻黃湯無汗不得服桂枝湯無汗喜
渴不得用白虎湯陽明自汗引飲不得用五苓散
太陽自汗數尿勿妄投桂枝湯諸脉浮者不得用
大黃并下法諸脉沉者不得用發汗法諸陽脉不
得用薑附燥渴者除半夏加括蕒根服痛者減黃
芩加芍藥動氣者去朮加桂小便不利者加茯苓

小便數者去桂茯苓加芍藥中滿者去甘味下利者勿發汗病人舊微溏者勿用梔子豉湯嘔家勿用建中湯傷寒諸下法不得用九子服下泄藥後不得用補藥傷寒病已愈後雖四肢虛弱無力不得用補藥

論分兩

傷寒方中乃古分兩與今不同詳載之

咬咀

咬咀者卽今之剉如麻豉大也

散

散者卽今之爲末也

銖

日銖二十四銖爲一兩

兩

日兩古之三兩爲今之一兩

分

日一分者卽今之二錢半也

升

日水一升卽今之一茶瓊也加半夏五味子一升卽今之一兩古之三兩

箇

日杏仁七十箇乃今之七錢半

七

日一七者用小錢挑一字上爲法

金鏡內臺方議卷之十二終

寒科一證傳變極速醫者不易輕投藥餌長沙著
說立方後世皆奉以爲師但古人之文句約而理
賅讀之者猝難暢曉故啟元子成無己諸名賢出
而釋之猶經傳之有註疏矣迨後註釋家日多此
中原有補前人未脩之義實可讚嘆得未曾有而
詎世欺人者復亦不少今許建安不釋長沙之文
而議長沙之方書中設問荅以啟發後學明晰條
達雖草莽醫人亦能悉解但其分兩稍異他本雖

採千金方之說然臨期酌用爲宜毋得拘泥至方
中藥性稍脩以便翻閱耳惜無刊本故付之梓人
以爲許叔微之子誤也

乾隆五十九年六月古吳程永培跋於六醴齋中